

Эсэгэ ороноо, эхэ нютагаа эб хамта мандуулая!



# БУРЯАД

БҮГЭДЭ АРАДАЙ СОНИН

# ҮНЭН

1921 оной декабриин 21-нээ гарана

2008 оной  
августын  
28  
Четверг

№ 99  
(21642)

Намарай  
эхин сагаан  
бишэн харын  
27  
гарагай  
5



Манай сонин Россин хэблэлэй алтан жасада оруулагданхай

## Августын 31 - Байгалай үдэр

### Буряад Республикын Президент - Правительствын Түрүүлэгшэ Вячеслав НАГОВИЦЫН: «БАЙГАЛАЙ оёорын арюун тунгалаг»



Буряадай Президент Вячеслав Наговицын «Мир-1» гэхэн оньһон түхээрлэгээр эрдэмэй тухай экспедицийн бүридэлдэ оролсожо, июлиин 29-дэ Байгалай оёорые шэнжэлхэ хэрэгтэ хабаадалсаба. Тиихэдэеэ Байгал далаймнай оёорын арюун тунгалаг гэжэ харанһан байна.

Экспедицийн гэшүүд энэ нуурай оёор бог шоройдо дарууланхай гэжэ хүн зоной дунда таранһан мэдээсэл буруу байба гэжэ элирхэйлбэ.

Вячеслав Наговицын болон «Мир» гэхэн оньһон түхээрлэгэнүүдэй экипажуудай табан гэшүүд, мүн тэдэнээр суг ябалсаһан экспедицийн хүтэлбэрилэгшэ, 1 үрэнэй Дүүмын депутат Артур Чилингаров журналистнуудай хажууда далайн оёорһоо абаһан уһа уужа үзөөд, уһанайн арюун сэбэр байһые гэршэлбэ.

Байгалай байгааи хэрэглэлгын институудай директор Арнольд Тулохонов энэ экспедицидэ хабаадалсаһан байна. Байгалай оёорые шэнжэлхын

туда уһа амһарталжа эндэ тэндэһээ абаһан байнабди гэжэ тэрэ хэлээ. «Мир-1» гэхэн оньһон түхээрлэгээр июлиин 29-дэ эрдэмтэд Байгал далайн оёорто 1680 метр гүнзэгүдэ хүрэхэн байна. Ойхон олтироһоо холо бэшэхэнэ, нютагай сагаар 14 сарта Байгал далайн эрьһээ зүүн тээшэ 10 модоной зайда, Ижимей болон Хара Хушуун гэхэн хада хабсагайн хоорондо далайн уһан эгээл гүнзэгү гэжэ тоологдодог газарһаа шэнжэлгэ эхилээ.

Август, сентябрь һарануудта «Мир-1» болон «Мир-2» гэхэн оньһон түхээрлэгэнүүд Байгал далайн элдэб газарһаа 60 дахин доошоо буулгагдаха байна. Үбэлэй эхилхэдэ экспедицийн гэшүүд энэ хүдэлмэрэз тогтоожо, хойто жэлын дахинаа эхилхэ ёһотой. 2009 ондо дээрэ нэрлэгдэхэн оньһон түхээрлэгэнүүд 100 дахин доошоо буулгагдажа, шэнжэлгэ хэгдэхэ ёһотой.

RoLit/ ru.

## Эрдэм мэдэсын үдэрөөр!



Хүндэтэ нютагаархид!

Буряад Республикын Арадай Хуралай болон өөрынгөө зүгһөө Та бүгэдэниие Эрдэмэй үдэрөөр хани халуунаар амаршалнаб!

Хүн гэшэ ажаһуухадаа, эрдэм шудалжа, эрдэм мэдэсээеэ ходо дээшлүүлжэ ябаха ёһотой. Энээнэй ашаар нийгэм олоной байдал найжарха, экономика ургалта туйлагдаха, дэлгүүрэй байдалшые ашагтай болохо байна.

Мүнөө үедэ эрдэм хуралсалые шэнэ шатада хүргэхэ Үндэһэн проект бэлүүлэгдэжэ байна. Энээндэ манай Буряад орон эдэбхитэйгээр хабаадана.

2007-2008 онуудай туршада манай республикада 557 юрэнхы эрдэмэй гуламтанууд хүдэлнэ, тэндэ 120812 хурагшад хурана. Эрдэм хуралсалай халбарыда республикын хамтагдаһан бюджетһээ 2008 ондо 7506 миллион түхэриг һомологдоо.

Эрдэмэй үдэр - үнэхөөрөөл бүгэдэ арадай һайндэр болоно. Хүн бүхэмнай хургуулийн боһоо алхажа хэзээб даа ороһон байна гэшэ. Имагтал хургуули манда эрдэм мэдэс олгоо, үргэн ехэ ажабайдалда харгы зам нээжэ үгөө. Хүн бүхэнэймнай ханаан сэдхэлдэ дуртай багшамнай үлэнхэй, багшанартаа доро дохинобди.

Багшын ажалы ветерануудта онсо баяр баясхалан хүргэхэ, энэ үдэрөөр амаршалха байнабди. Республикымнай багшанарай алдарта ёһо заншалнуудые залуу багшанар зохёохыгоор хүдэлжэ үргэлжэлүүлэг лэ. Хуралсалай шэнэ жэлэй түрүүшын үдэр бүхы хурагшадта, окутадта, багшанарта, түрэлхидтэ элүүр энхые, зол жаргал, энхэ амгалан байдал, эхилхэн бүхы хэрэгүүдтэтай амжалтануудые хүсэнэб!

Буряад Республикын Арадай Хуралай Түрүүлэгшын орлогшо А.С. КОРЕНЕВ.

**ХҮНДЭТЭ НҮХЭД!**  
БУРЯАД НЮТАГ  
ОРОНОЙХИД!  
Түрэл «Буряад үнэнөө»  
Түргэн бушуу захишт даа!

Арадайнгаа нэрые үргэжэ  
ябаһан ганса сониноо  
Абажа уншаха манай уялга,  
Сэдхэлэймнай аялга,  
Сэбэр бодолоймнай тулга,

Хэрэг үйлымнай дүхэриг -  
Хэрэм мэтэ бүхэриг!  
А.А.АНГАРХАЕВ,  
Генеральна директор -  
ахамад редактор.

## АМГАЛАН БАЙДАЛАЙ БИСАЛГАЛ

Байгша ондо дэлхэйн элдэб ороноудта хүсэ хэрэглэхэ, дээрмэдэхэ ушарнуудай хүжэржэ байһаниие булта ажагланабди. Энэ байдалые үн-гэрэгшэ хабар Түбэдтэ, бүри нааяр Урда Осетидэ болоһон үйлэ хэрэгүүд гэршэлнэ. Мүн Ирак, Афганистан, Палестиндэ байдал шахардуу байһаар.

Тиимэхээ Үндэр түрэлтэ Далай лама хаа хаанагүй амгалан байдал тогтоохын, хүсэ хэрэглэнгүй, эбэй ёһоор хоорондоо харилсажа, арадуудай ажаһуухын түлөө бисалгал уншалга, 12 часай туршада масаг барилга (эде-лэнгүй байла) 2008 оной августын 30-да үглөөнэй 9 сарһаа үдэшин 9 болотор бүхэдэлхэйн хэмжээгээр үүсхэхэ уряатайгаар бүхы ороноудай Бурхан шажантанда, хүзэгшэдтэ хандаһан байна.

«Ногоон Дара Эхэ» бүлгэмэй гэшүүд августын 30-да амгалан байдалы бисалгал, масаг барилга Улан-Үдэдэ эмхидхэхэнэ. Энэ үдэр үглөөнэй 9-һөө 10 болотор «Арбат» талмай дээрэ (түбэй аптеке шадар) геше Джемпа Тинлэй багша хотын хүзэгшэдтэй хамта бисалгал, масагай эхи табиха. Удаань бисалгал, масаг 102-дохи кварталда «Ногоон Дара Эхын» дуган соо үдэшин 9 болотор үргэлжэлхэ. Буряад ороной ондоошые хуурин тосхо-нуудаар ажаһуугшад энэ үдэр доро дороо гү, али хамта суглаарад, бүхэдэл-хэйн эб найрамдалай, амгаланай түлөө маани мэгзээн уншабал, масаг барилба, ехэ буян хуряаха.

ДАНЗАН ДОНДУБ.

**УВАЖАЕМЫЕ ЧИТАТЕЛИ!**  
Продолжается подписка на II полугодие 2008 г. Подписные цены на газету «Буряад үнэн»:

1. «Буряад үнэн» (50901), включая «Дүхэриг» и «Бизнес-Олзо»:
- а) с получением на домашний адрес - 284 р. 20 коп.
- б) с получением в редакции - 67 р. 00 коп.
- в) с доставкой в организацию - 67 р. 00 коп.
2. «Буряад үнэн» - «Дүхэриг» (73877)
- а) с получением на домашний адрес - 146р.88 коп.
- б) с получением в редакции - 67 р. 00 коп.
- в) с доставкой в организацию - 67 р. 00 коп.

3. «Бизнес-Олзо» (31111)
- а) с получением на домашний адрес - 73 р.28 коп.
- б) с получением в редакции - 40 р. 00 коп.
- в) с доставкой в организацию - 54 р. 00 коп.

Сообщаем нашим читателям, проживающим в Забайкальской и Иркутской областях, что подписка на газету «Буряад үнэн» - «Дүхэриг» принимается во всех почтовых отделениях на территории этих областей.

Оставьте с нами до конца 2008 года. Обращаться в Издательский Дом «Буряад үнэн», ул. Каландаришвили, 23, каб. 16 (отдел подписки). Наш телефон: 21-50-52.



## НУРГУУЛИДАА ХЭР БЭЛЭНБИВДИ?

Нуралсалай сагай эрьжэ ерэтэр хэдэн хоног үлэнхэй. Сентябриин 1 хүдээхэн олонхи нургуулидаа бэлдэнээр.

Жэл бүри нуралсалай хэрэгсэлнүүд үнэтэй боложол байхай. Харин заншалга болоһон нургуулиин дэлгүүрнүүд дэлгэржэ, карандаш, ручка, дэбтэр худалдажа абалган тиимэшье хэсүү хэрэг байхаяа болёо.

Манай Улаан-Үдэдэ, Терешковой үйлсөөр иимэ нургуулиин хэрэгсэлнүүдэй оптово магазин хүдэдлэг юм. Эндэ үдэр бүри зон олоороо сугларна. Магазин хянда сэнгүүдээр наймаа ябуулана. Шарикова ручка, карандаш, баллуур, шугам - бүхыдөө нуралсалай хайрсагай хэрэгсэлнүүд болоно. Иимэ суглуулбари гушаад түхэригэй. Олон үнгэтэ карандаш, фломастерай суглуулбаринууд, хамтадаа 40-50 түхэригэй байна. Түрүүшнхиеэ нургуули орохоёо байһан үхибүүндэ үзэгүүдэй болон үгын үенүүдэй касса (60 түхэриг), тоололын модохонууд (20 түхэриг) хэрэгтэй. Нимгэхэн дэбтэрнүүд элдэб янзын: ялагар толоторын - үнэтэйшгэ хэбэртэй. Мүн тиихэдэ эгээл хямдахан сэнтэй дэбтэр 2-3 түхэригэй.

Зохёохы хэсээлнүүдтэ нотын дэбтэр хэрэгтэй. Тэрэнэй сэн 14 түхэриг. Тиихэдэ хажуугаарнь нургуулиин сүүмхэ хэрэгтэй болоно. Үнэгүй тулюурхан сүүмхэдэ нуралса дуралгуйхэн байха. Үнэтэй нургуулиин ранец сэндэ хүрэмэ, һайн шанартай гээд хүнүүд тоолодог. Эндэһээ 500 түхэригэй сүүмхэ шэлэжэ абахаар. Хүбүүе хубсалуулахада, 3-5 мянганай болохо: костюм, самса, гутал, галстук. Басага хубсалуулаха гээшэ нэгэ бага үнэтэйшгэ.

Нуралса бүхэндэ сэсэг хэрэгтэй. Сэсэгүүдэй сэнгүүд һайндэрэй урда үнэтэй болохоёо һанадаг.

А.БАТОМУНКУЕВАЙ фото.




## ЭРДЭМ МЭДЭСЫН ҺАЙНДЭРӨӨР, ЗАЛУУШУУЛ!

Сентябриин 1-дэ Соведадүдэй талмай дээрэ залуушуулай һайндэр үнгэрхэ.

Үдэрэй 16 саһаа Соведадүдэй талмайда залуушуулай олонийтын эмхинүүд сугларжа, презентацинуудые үнгэргэхэ. Хэмжээ ябуулгада «Перспектива» гэжэ оюутадай газетэ, хотын залуушуулай нэгэдэлнүүдэй эблэл, таэквондо, спортивна гимнастикаар федерацинууд, Романовай нургуули хабаадаха.

Үдэһын 18 саһаа һайндэрэй эстафетэ эстрадна дуушадта, хүгжэмэй бүлгэмүүдтэ үгтэхэ. МС-Фара гэжэ нэрэтэй ди-джей сугларалшадые хүхөөхэ. Хэмжээ ябуулгын туршада элдэб һонин конкурсууд ябуулагдаха. Бэрхэшүүдтэ бэлэгүүд барюулагдаха.

## АМГАЛАН ТАЙБАНИЕ ГҮЙҮН ТОХОРЮУН



Урда Осетиин дайн дажарай гашуудалтай үйлэ ябадалнуудта дайралдан зондо Улаан-Үдын залуушуул энэрхы һайхан зүрхэ сэдхэлдээ дүтөөр абажа, байгша оной августын 27-до Хубисхалай талмай дээрэ үдэрэй 4 саһаа мүнгэн тэдхэмжээр туһаламжын концерт-наада үнгэргэжэ, буян үйлэдэлгын дэмбэрэлтэй хэрэгтэ хабаадаа. Тус хэмжээ ябуулга оюутадай «Перспектива» гэжэ газетын редакци, «Выбирай» гэнэн сэтгүүлэй болон Залуушуулай хэрэгүүдэй талаар хүтэлбэрийн аша туһаар бүридэн «Улаан-Үдэ хотын залуушуул» гэнэн олонийтын эмхи үнгэргэн байна.

Иимэ буянтай һайн үйлэ хэрэгтэ зориулагдаһан амгалан тайбание элрхэйлһэн һүлдэ тэмдэг «Сайбар сагаан тохорюун» гэнэн саарһаар хэгдэнэн оригами эмхидхэгшэд өөһэдөө бэлдэжэ, тус акцида хабаадажа байһан хүн бүхэндэ энхэ тайбанай мүнхэ байхын түлөө тараагаа.

## УЛААН-УДЫН ДОЛООН ГАЙХАЛТАЙ ГАЗАРНУУДЫЕ ШЭЛЭГТЫ!



«Улаан-Үдын долоон гайхалтай гоё газарнууд» гэжэ акци эхилэнхэй. «Манай дуратай хото» гэжэ олонийтын хүдэлөөн хотын эдэбхитэй залуушуултай хамта энэ конкурс эмхидхэнэ. Энэ хэмжээ ябуулга хоёр шататай: августын 24-дэ Соведадүдэй талмай дээрэ түрүүшын шата үнгэрөө.

Тэрэнэй хоёрдохи шата августын 27-до Арбат дээрэ болоо. Энэ үдэр Ленинэй гудамжаар ябаһан хүн тус акцида хабаадаха аргатай байгаа.

Өөрынгоо һанамжа [www.uln-ide-ed.ru](http://www.uln-ide-ed.ru) гэнэн хотын мэрийн электронно хаягаар һунгалтын сайтаар үгэхэ аргатай. «Улаан-Үдын сотово утаһан» гэжэ компаниин абонент «Мобстайл» гэжэ провайдерай 2509 номерто SMS эльгээхэдэ болоно. SMS-һунгалта сентябриин 3 хүрэтэр үнгэрхэ. Конкурсын дүнгүүд Хотын үдэртэ согсологдохо.

## ЗУНААРАА АЖАЛ ХЭЖЭ АМАРААБДИ...

Энэ зундаа Улаан-Үдын Наташа Эржэн хоёр лагерьта ажаллажа, зунаа үнгэргөө. Тэдэнэр нэгэ һайн танил эхэнэрэй хэлһээр, Улаан-Үдын залуушуулай хэрэгүүдэй талаар таһагай Управлениин дэргэдхи хотын залуушуулай ажалтай нэгэдэл хандаһан байна. Тэндэ басагдта элдэб ажал хүдэлмэри дуралдаха, тиин тэдэнэр ООО «Октябрьское» гэжэ предпрятида хүдэлхээ шийдэбэ.

Хорёод хоногой туршада басагад ехэ оролдосотойгоор хүдэлжэ, салинда хүртэбэ. Тэдэнтэй хамта



хүдэлһэн бригада соонь үшөө табан залуушуул байгаа: гурбаниинь оюутад, үлөөшэнь - нургуулиин үхибүүд.

Тэдэнэр сэсэгүүдые тарижа һураа, үдэр бүри тэрээнэ үһалха, хүүгэдэй талмайнуудые шэрдэнэн, сагаадан байна.

Наташа Эржэн хоёр һайнаар һурадаг. Нургуулиа дүүргээд, Наташа Зүүн Сибирийн технологическа университеттэ дээдэ мэргэжэл шудалха хүсэлтэй. Сүлөө сагтаа тэрэ скейтбордингоор һонирхдог.

## ЗАЛУУШУУЛ АЖАЛТАЙ БОЛОНО



Ниислэл түб хотын олонхи залуушуул энэ зунаараа ажал хэжэ сагаа үнгэргэнэ. Улаан-Үдын залуушуулай хэрэгүүдэй талаар управлениин хотын залуушуулай ажалай нэгэдэл 202 хүнийе ажалтай болгоо. Иишээ хандагшадтай дунда 27 хуулиин наһа хүсөөдүй нуралсад байһан байна. Тэдэнэртэ 1400 түхэригэй нэмэри түлбэри республиканска ЦЗН-һээ үгтөө.

Тус нэгэдэл Октябрьска захиргаанай дэргэдэ нээгдэнхэй. Ажалаха дуратайшуул иишээ ерэжэ, хонходожо, ажалтай бо-

лоһон байна. Энэ зундаа 400 хандагша нэгэдэл руу ороһон байна. Зүгөөр тус нэгэдэл бүхы залуушуулые ажалтай болгожо шадаагүй.

Ехэнхи залуу хүрэг зон - хамта дээрээ 102 оюутад хүүгэдэй амаралгын газарнуудта вожатануудаар ажаллаа. Тэдэнэрэй 44-нийн «Огонёк» гэжэ лагерьта вожатануудаар уригдан абтаа.

Хотын барилгын газарнуудта (ООО «Промстроймеханизация», «Бурядай ойн компани») 36 залуушуул хүдэлһэн байна. Хотын шэг шарай болбосон түхэлтэй

болголгын компанинуудта 64 хүн ажаллаа.

Сентябриин 1-дэ болохо Хотын залуушуулай һайндэртэ эгээл бэрхэ залуу хүдэлмэриилэгшэд, тэдэниие ажалаар ханган предпрятинууд бэлгэтэ хүртэхэ. Сентябриин 18-да «Хуһахан» гэжэ хүүгэдэй элүүржүүлгын лагерьта хүдэлһэн залуушуулай слёт үнгэрхэ.

Тус хуудаһа Янжама ЖАПОВА хэблэлдэ бэлдэбэ. Авторай фото.



# МОНГОЛ ОРОНОЙ ТУГ МАНДАБА


Олимпиин наадануудай тэнгэри өөдэ

Хитадай Бээжэн хотодо эмхидхэгдэһэн зунай ХХIX Олимпиин нааданууд эсэстээ хүрбэ. Эдэ нааданууд хитадуудай манлай хүсэ бодотой гэршэлээ гэхэдэ, алдуу бэшэ. Юуб гэхэдэ, Хитадай тамиршад аяар 51 алтан медальяр үбсүүгээ шэмэглэжэ шадаа. Бүри 20 жэлэй үмэнэ Сеулдэ үнгэрһэн Олимпиадада Хитадай команда табакан алтан медальтай гэртээ бусаа нэн гээд хануулая. Дээдэ зэргын медальнуудай тоогоор Россин команда Хитадай болон Америкын тамиршадта булигдан, гурбадахи хуури эзэлнэ. 23 алтан медаль манай тамиршад абаа бшуу. Дүрбэн жэлэй удаа үнгэрхэ ээлжээтэ Олимпиадада бүхы хүсэ шадаалаа элсүүлэн, үндэр хэмжээндэ бэлэдхэлээ ябуулха шухала гээд үнгэрэгшэ нааданууд ойлгуулба ха.

Буряадтай хүршэлэн оршодог молор найхан Монгол орон мүн баһа бахармаар туйлалтануудтай. «44 жэл хүлээһэн Олимпиин алтан медаль Монгол руу ерээ» гээд, «Өнөөдөр» сонин дуулгана. Августын 14 Монгол улас түрын спортын түүхэдэ мартагдахагүй онсо үдэр гээд тодорбо. Урда үдэрын О. Гүндэгмаа Монголой командада түрүүшын мүнгэн медаль асараа хаа, үглөөдэрын Н.Түвшинбаяр анха түрүүшын алтан медаль абажа, дэлхэйдэ Монгол оронойнгоо нэрэ хүндые үндэр дээрэ үргэн мандуулба, нютагаархинаа маша ехээр баярлуулба. Монгол хүнэй Олимпиин наадануудта оролсожо эхилэһэнэ хойшо анха удаа алтан медаль Түвшинбаяр асарба бшуу. Булган аймагай Сайхан хүмээһөө гарбалтай Найдангийн Түвшинбаяр дзюдоогоор 100 килограммай шэгнүүртэ барилдаа. Эгээн түрүүн Японэй бүхэ, Афинын Олимпиадада алтан медаль абаһан дэлхэйн хоёр удаа чемпион К. Сузукие илажа шадаа. Тэрэшэлэн Германиин бүхэ Б. Бирлатай тэмсээд, мүн баһа диилээ. Урда Солонгосой, удаань Азербайджанай бүхэнүүдые унагаагаад, алтан медаль

абахын тулада Казахстанай А.Зиткитэй барилдаа. Энэ һүүлшын барилдаа монгол хүн бүхэн амиа даран хүлээгээ. Казахстанай тамиршание илажа, Түвшинбаяр Олимпиин талмай дээрэ Монгол оронойнгоо туг мандуулба. Үндэр туйлалта абанан хүбүүнтээ уулзахаая анха түрүүн абань Бээжэн руу ниидэһэн байна. «Иимэ хүсэ шадалтай эрхим хүбүүтэй байһандаа Эхэ оронинь, эжы ба абань, арад түмэниинь омогорхожо байна», - гээд Монголой сонинууд дээрэ хэлэгдэнэ. Монгол улас түрын үндэр тушаалта зон амаршалгын бэшгүүдые баатар хүбүүндээ шууд эльгээгээ. Монголой Президент Н.Энхбаяр Түвшинбаярта Монгол улас түрын габьяата тамиршан, мүн хүдэлмэрийн баатар гэхэн нэрэ зэргэнүүдые олгохо тухай зарлиг гаргаа.

Байгша оной августын 13-да О.Гүндэгмаа хиин гар буугаар мүнгэн медаль абажа, Монгол командада медаль абалгын «үүдэ» нээһэн байна. Монгол улас түрын габьяата тамиршан Гүндэгмаа 1978 ондо Улаан-Баатарта түрэнэн намтартай. Буудаха спор-



Найдангийн Түвшинбаяр

тоор 1993 онһоо бэээ хорино. Дэлхэйн болон Ази түбин мурьсөөнүүдтэ хэдэн удаа шалгарһан. Олимпиин наадануудта гурба удаа хабаадаһан. Байгша оной Олимпиадада хабаадаха эрхэдэ Монголой бэшэ тамиршадһаа тон түрүүн хүртөө гээд мэдүүлэе.

«Өнөөдөр» сониний мэдээгээр, тамиршан алтан медаль абахаар тон ойрохон байба, алтан медальда хүртэхын тулада 1,2-хон оноо дутаа. Хитадай тамиршан Чин Ин 793,4 оноогоор түрүү хуурида гараа хаа, О. Гүндэгмаа 792,2 оноогоор мүнгэн медаль абаа. Монгол ороной тамиршад 1980 ондо Москвагай Олимпиадада мүнгэн медальда хүртэжэ байһан юм. Энэ амжалтые 28 жэлэй удаа О. Гүндэгмаа дабтаба бшуу. Эрхим түрүү тамиршантай хөөрөлдөө «Өнөөдрийн монгол» сонин эрхилээ. «Сэдхэлни маша үндэр

байна. Монголшуудайнгаа хүсэн хүлээһэн алтан медаль абахаб гэжэ найдаһан байгаа. Гэбэшье нэгэ бага азалбагүйб. Тэрэндээ хара буужа байнаб», - гээд О.Гүндэгмаа сониний сэтгүүлшэдтэ хэлэһэн байна.

Олимпиадын эгээл һүүлшын үдэр Энхбатын Бадар-Ууган Пүрэвдоржийн Сэрдамба хоёр алтан медалийн түлөө тулалдаа хэжэ, алтан болон мүнгэн медальнуудаар энгэрээ шэмэглэжэ шадаа. «Монгол орон баярлажа байна. Хүн бүхэнэймнай зүүдэндэ орожо, нюдэндэ үзэгдэжэ, хүсэн хүлээжэ байһан Олимпиин наадануудай абаргын алтан медальнуудые бидэнэй дундаһаа хоёр хүн абаба. Энэ Олимпиадада тамиршаднай хоёр алтан, хоёр мүнгэн медальнуудые үбэртлэжэ, гайхамшагта амжалтада гаргаба», - гээд «Монголой мэдээ» сонин бэшэнэ.

Боксоор 46 килограмм шэгнүүртэ П.Сэрдамба хамагай һүүлдэ алтан медаль абахын тулада Хитадай тамиршан Зоу Шиминтой тулалдаад булигдаһан байна. Гэхэдээ дэлхэйн шэлэгдэмэл 29 боксер энэ шэгнүүртэ тэмсээ гээд хануулая. Монголой тамиршан урматай найхан тулалдаануудые харуулжа, хүрэл медалийн түлөө Таиландын боксертой, мүн мүнгэн медалийн түлөө Кубын тамиршантай уулзажа, шанга тэмсээнүүдтэ үндэр техникэ харуулжа, илагшын нэрэ зүүжэ шадаа.

Монгол улас түрын габьяата тамиршан, 2006 ондо оюутадай дундаһаа дэлхэйн чемпион, 2007 ондо Дэлхэйн чемпионатда мүнгэн медаль абаһан Ази түбин абарга Энхбатын Бадар-Ууган боксоор 54 килограмм шэгнүүртэ хүрэл медалийн түлөө Ботсванын тамиршантай, удаань мүнгэн медалийн түлөө Молдавийн боксертой тулалдаад диилээ. Хамагай һүүлдэ Кубын тамиршан Леон Алерконтой тэмсэжэ, 16:5 очкоогоор илажа мэдээ. Монголой боксернууд анха удаа Олимпиин наадануудта алтан болон мүнгэн медальнуудта хүртэбэ.

Үнэхөөрөөшье, Монгол орон эрхим түрүү тамиршадараа омогорхожо байна гээд олондо мэдээсэл тараадаг хэрэгсэлнүүдһээ ойлгохоор байна. Анха түрүүшынхнээ Олимпиин наадануудһаа аяар дүрбэн медаль суглуулбаритай Монголой команда нютагаа бусаба ха юм. Медальнуудайнгаа тоогоор Монгол орон 31-дэхи хуурида гарана.

## ЮРЫН БЭШЭ - «ЮНТУР» ЛАГЕРЬ


"Эндэхи агаар эсбэр, амилхада таатай зохид. «Юнтур» лагерь миний түрэлхи Захаамин нютагтайм адли дүтэ. Нэгэ зунай туршада хоёр сезон эндэ амаржа үзэһэншье байнаб", - гээд, Юнтурай эдир тамиршан Олег Золотов тэмдэглэнэ. Мэдээжэ хоригшод болохо Сьдеевтэнэй мэдэл доро Олег барилдаанай оньһотой танилсажа байнхай. Ерээдүйдэ Олимпиин наадануудай чемпион болохые хүсэнэ. "Тренерни урдаа үндэр зорилго табижа зүдхэхэ шухала гээ, би тиинэб", - гэжэ эдир тамиршан ханаһанаараа хубаалдана.

Ерээдүйн чемпионуудһаа гадна, «Юнтур» лагерьта Улаан-Үдын нургуулинуудай юрын нурагшад амаржа байна. Байгша ондо халуун уһаар хангалга эршэдүүлэгдээ, шэнэ ороноуд абтагдаа, байшангууд заһабарилгадаа, оройн шэнэлэгдээ.

Овоц хадагалалгын байшан, мүн медицинскэ корпус барилгада байгша оной июнь һарада Улаан-Үдын захиргаан 1,5 миллион түхэриг һомолоо.

"Хотын ашаар энэ лагерь ажалаа ябуулна. Шэнэ хаһын эхиндэ Улаан-Үдын захиргаан мүнгэ һомолһон байгаа", - гээд лагерьин дарга Аркадий Данилов хэлэнэ. Тэрэ даргын тушаал арбан нэгэн жэл тухай эзэлнэ бшуу.

Үнэхөөрөөшье, бүхы байшангууд руу халуун уһан дамжуулагданхай, хоол барилгын газарта шэнэ хэрэгсэлнүүд тодхоотой. Дүршэл ехэтэй повар Га-



Аркадий Данилов

лина Якубовна туһалагшануудтайгаа хамта амтан эдээ бэлдэнэ. Спортивна шэглэлтэй лагерь һэн хойноо, эдээ хоол элбэгээр хэгдэхэ ёһотой. "Ухибүүдэй захилаар меню хэнэбди. Хилээмэ баринабди", - гэжэ повар дуулгана.

Колбаса, каша, тоһо, янза бүрийн огородой эдээ, хоёр удаа



мяхатай хоол үхибүүдэй үзэмжэдэ дурадаһадана. "Аргагүй амтатай" гэхэн сэгнэлтэ үхибүүд ходо үгэжэ байдаг.

Юнтурта сүлөө саг байхагүй, үглөөһөө үдэш болотор үхибүүд янза бүрийн хэмжээнүүдтэ хабаадана. А. Турчинская, С.Олзоева, С.Данилова, А.Антипова гэгшэд үхибүүдэй хүмүүжүүлгын түлөө харюусана. Бассейн, баня, телевизор, хүгжэм зэдлүүддэг хэрэгсэлнүүд, спортын хэрэгсэл дүүрэн бии. Гэбэшье спортдо анхарал ехэ. 7-дохи СДЮШОР-ой хоригшодой оролдолгоор үхибүүд бэээ хорино. А.Данилов, Б.Сьдеев, С.Есаулов, Г.Халапханов, В.Пильчинов, Б.Бадмаев гэгшэд хоригло үнгэргэнэ. 6-тайһаа 16 наһанай үхибүүд эндэ амарна. Тэдэнэй дунда спортын талаар амжалтануудые туйлаһаншье тамиршад дайралдана. Иван Викулин, Александр Содномов, Алексей Дульбеев гэгшэдэй нэрэ республикын ажалуудта дуулаһан байха.

Дулма БАТОРОВА.  
Авторай фото-зурагууд.

Тус хуудаһа  
Сарюуна ЭРДЫНЕЕВА  
бэлдэбэ.





Буряад Республикын 85 жэлэй оие угтуулан

# ОЛОНОЙ ОМОГОРХОЛ – ОДОТО СОЁЛ

Хожомдожомье наа, дэлсэ багатай алхамаар дэгдэнэ дээшэ соёлнай гэнэн Арадай уран найханай түбэй даргын орлогшо Сергей Доржиевич Доржиевай үгнүүдтэ республикын заншалта соёлой түдөө омогорхой, мүн наһанайнгаа арбаад гаран жэл сүм зорюулһан һалбарингаа саашанхи заяа тушаа һанаата болононой аялга абьян гансата соностоодхибо. Теэд тиигэньшьегүй яахаб? Багахан туйлалтануудтань баярлаха, дутуу дундануудтань дураа гутаха саг туданхай бэшэ аал, илангаяа соёл урлада...



Сергей Доржиев



Ахада. Угтамжын үедэ. Баруун талаһаа Бадма Гыбанов



"Үнгэрһэн зуунай бүри ерээд гаран онуудта хүдөөгэй соёлой байшангуудта хайратай байдал үзэгдөөд абаа бэлэй. Үни хада хэрэглэлгэхээ гарашаһан аппаратаураа ядан тулин ханхи-нуулаха, микрофной саанаһаа танихаар бэшэ аялга хүгжэмэй зэдэлхые обёороод... - гэжэ Сергей Доржиевич бодолгото болононой удаа дурсалгаяа үргэлжэлүүлнэ. - Харин мүнөөшье хурданаар хүгжэшэһэнэй тэрэ тухайхан даа. Хүдөөгэй Соёлой ордоноуд һомоной мэдэлдэ болонхой, тиимэхээ имагтал нютагуудай гулваанарай ажал ябуулһаһаа ордоной байдал дулдыдана. Тобшолбол, "өөр соохоно" арга хургаяа олохо баатай болоо. хургуулин болон Соёлой ордоной директорнууд ади шахуу эрхэтэй аад, тад ондоо хүндэтэй бшуу. Соёлой ордоной директорэй хүтэлбэри доро хоёр-гурбан лэ хүн тоологдоно. Эды зонтой элдэб хэмжээ эмхидхэхэдэ бэрхэшээлтэй. Гол түлэб дискотекэ үнгэргэжэ, мүн-гэн ологдоно. Теэд ажалгүй хүдөөгөөрхин яагаад үнэтэй сэн үгэхэб даа.

Дүрбэн тээшээ тэгшэ бэрхэ бэлигтэйшүүл мүнгэ хомортой соёлдо хүдэлхэ дурагүй байха. Хэзээдэшье соёл урлада тон һүүдэ мүнгэ алтан шэглүүлэгдэдэг шуу. Гэбэшье арад түмэниие хүлгөөн хүдэлгэхөөр байгааһаа үгтэнэн абьяас түгэлдэр хүнүүд дайралдахал байха."

Һанаан бодолыень эзэлээд абадаг эды олон бэрхэшээлнүүдые нюунгүй, сэхэ дэлгэһэнэй удаа урма зоригыень далижуулдаг соёл урлалай һүүлэй һонин тооложо оробо. Сергей Доржиевичай хэлэлээр, соёлнай нэгэ газарта торон тогтоод байнагүй. Жэшээлхэдэ, соёлой шэнэ ордоноудшы мүн-дэлжэ захалаа. Соёлой аяар дүрбэн коллективтэй Хэжэнгын Загустай һууринда одоошье шэнэ ордон мандаба. Мүнөө үеын шэнэ оройтой, евро-заһаба-



Ахада болоһон үүлхэлһаһаа

рилгатай энэ ордон нютагай омогорхол болонхой. Янза бүриин проект зохёожо, грант абаха арга боломжо бии болоһониинь тон найшаалтай. Тиихэдэ элдэб программада хабаадажа, мүн лэ мүн-гэн шагналда хүртэжэ болон.

Арадай уран найханай түбэй хүтэлбэри доро Буряад Республикын 85 жэлэй ойн баярта зорюулжа эмхидхэгдэһэн хэмжээ ябуулганууд тухай Сергей Доржиевич Доржиевай тодо харюунууд:

- Республикын ойн баярай гаршаг доро тусхай хэмжээнүүдые танай түб зарлаһан байгаа гээд дуулаһан байнабди. Тэдээн тухай хөөржэ үгыт.

- Арадай зохёохы шадабары шалгалгын мурьсөөн республикын бүхы шахуу аймагуудта үнгэрөө. Комиссиин бүридэлдэ би ябалсааб. Апрельин 29-дэ Прибайкалин Турунтаево тосхонһоо эхилээд, бүхы аймагуудаар ябажа хараһанай удаа июниин 18-да Түнхэнэй аймаг хүрөөбди. Энэ мурьсөөндэ бэлэдхэлэй комитет гол түлэб аймагуудай гулваанар хүтэлбэрилөө. Үндэр хэмжээндэ үнгэрөө, аймаг бүхэн оролдоо гэхэ байнаб. Соёл урлалай туйлалтанууды гэршэлһэн концертнаада, мүн үзэсхэлэнгүүдые аймаг бүхэн дурадхаха ёһотой байгаа. Гурба-дүрбэ наһанай

үхибүүдһээ эхилээд, үндэр наһатай үбгэжөөлнүүд энэ хэмжээндэ эдэбхитэй хабаадаа.

- Энэ мурьсөөнэй дүнгүүд элирүүдэгдээ гү?

- Үгы байна. Республикын ойн баяр тэмдэглэлгын үедэ сентябриин 6-да 14.00 сагта Советүүдэй талмай дээрэ гала-концерт болохо. Эгээл тэндэ дүнгүүд согсологдожо, илаһан аймагта гол шан - "Жигули" түхэлэй авто-унаа барюулагдаха. Ц.Сампиловай нэрэмжэтэ музейдэ шалгарһан бүтээнүүдэй үзэсхэлэн сентябриин 5-да 15.00 сагта нээгдэхэ юм.

- Республикын ямар аймаг онсолон тэмдэглэхэ байнат?

- Аймаг бүхэн өөрын онсотой гээд мэдээжэ. Баунтын аймагта эвенк арадай соёл урлалай дээжэ ажаглахаар, Мухар-Шэбэртэ, Бэшүүрэй аймагта - шэмээшэгүүдэй аялга дуу анхархаш... Хориин аймагай үзэсхэлэн намда угаа ехээр найшаагдаа. Захаминай, Бэшүүрэй, Кабанскын, Тарбагатайн, Ахын аймагуудта, Улаан-Үдэдэ концертнааданиинь үндэр хэмжээндэ үнгэрөө. Ахын аймагай байгааһаа мэдэрээд бусааб. Бадма Гыбанов (фото-зураг дээрэ) гэжэ арадай ёһотой бэлиг талаангай хүн тэндэ ажаһууна.

Сарюуна ЭРДЫНЕЕВА.



Арадай Уран найханай түбэй хүдэлмэрилэгшэд









Table with program listings for 'РОССИЯ' and 'КУЛЬТУРА' channels, including times and program titles.

Table with program listings for 'РОССИЯ' channel, including times and program titles.

Table with program listings for 'ТИВИКОМ' channel, including times and program titles.

Table with program listings for 'СТС - БАЙКАЛ' channel, including times and program titles.

Table with program listings for 'ДТВ' channel, including times and program titles.

• ОТДЕЛ РЕКЛАМЫ • 21-62-62 • ОТДЕЛ РЕКЛАМЫ •

Table with program listings for 'ПЕРВЫЙ КАНАЛ' channel, including times and program titles.

Table with program listings for 'РОССИЯ' channel, including times and program titles.

Table with program listings for 'ТИВИКОМ' channel, including times and program titles.

Table with program listings for 'СТС - БАЙКАЛ' channel, including times and program titles.

Table with program listings for 'ДТВ' channel, including times and program titles.

• ОТДЕЛ РЕКЛАМЫ • 21-62-62 • ОТДЕЛ РЕКЛАМЫ •

Table with program listings for 'ПЕРВЫЙ КАНАЛ' channel, including times and program titles.

Table with program listings for 'РОССИЯ' channel, including times and program titles.

Table with program listings for 'ТИВИКОМ' channel, including times and program titles.

Table with program listings for 'СТС - БАЙКАЛ' channel, including times and program titles.

Table with program listings for 'ДТВ' channel, including times and program titles.

• ОТДЕЛ РЕКЛАМЫ • 21-62-62 • ОТДЕЛ РЕКЛАМЫ •

Table with program listings for 'ПЕРВЫЙ КАНАЛ' channel, including times and program titles.

Table with program listings for 'РОССИЯ' channel, including times and program titles.

Table with program listings for 'ТИВИКОМ' channel, including times and program titles.

Table with program listings for 'СТС - БАЙКАЛ' channel, including times and program titles.

Table with program listings for 'ДТВ' channel, including times and program titles.









